

Thamani ya Kweli ya Mtu

Bali Mungu aonyesha pendo lake yeye mwenyewe kwetu sisi, kwa kuwa Kristo alikuwa kwa ajili yetu, tulipokuwa tungali wenye dhambi. Basi zaidi sana tukiisha kuhesabiwa haki katika damu yake, tutaokolewa na ghadhabu ya Mungu kwa yeye.—Warumi 5:8, 9.

Kristo na Aliyesulubiwa anapaswa kuwa mada ya mawazo yetu na kuamsha mguso wa hisia za kina za roho zetu. Wafuasi wa kweli wa Yesu watathamini sana wokovu mkuu ambao Amewaleta; na popote anapowaelekeza njia, wataifuata. Watachukua kuwa fursa kwao kubeba mizigo yoyote Yesu atayoiweka juu yao. Ni kwa njia ya msalaba peke yake ndipo tunaweza kupima thamani ya nafsi ya mwanadamu. Hiyo ndiyo thamani ya wanadamu ambao Yesu aliwafia kiasi kwamba Baba anaridhika na gharama ya milele Aliyoilipa kwa ajili ya wokovu wa mwanadamu katika kumtoa Mwanawe Pekee ili afe kwa ajili ya ukombozi wao. Ni hekima, rehema na upendo wa jinsi gani umedhihirishwa hapa katika utimilifu Wake! Thamani ya mwanadamu inafahamika tu kwa kwenda Kalvari. Katika fumbo la msalaba wa Yesu Kristo, tunaweza kukadiria thamani ya mwanadamu.

Ni nafasi na wajibu ulioje, kuungana na Mkombozi wa ulimwengu katika wokovu wa wanadamu! Kazi hii inahitaji kujikana nafsi, kujitoa kikamilifu na ukarimu, uvumilivu, ujasiri na imani.... Imani ya kudumu, inayoshinda ni muhimu (*Testimonies for the Church* 2:634, 635).

Kujikana nafsi na msalaba vinakaa moja kwa moja katika njia ya kila mfuasi wa Kristo. Msalaba ni kile ambacho kinakinzana na mapenzi na dhamira ya asili. Ikiwa moyo haujatakaswa kabisa kwa Mungu, ikiwa dhamira, mapenzi na mawazo hayatasalimishwa chini ya mapenzi ya Mungu, kutakuwa na kushindwa kutekeleza kanuni za dini ya kweli na kuwa kielelezo maishani cha maisha ya Yesu Kristo (*Testimonies for the Church* 2:651).

Wafuasi wa Yesu wanapaswa kuzithamini roho kama Yeye anavyozithamini. Huruma zao zinapaswa kuambatana na kazi ya Mkombozi wao mpendwa na wanalazimika kufanya kazi ili kuokoa watu walionunuliwa kwa damu Yake, kwa gharama yoyote. Je! Fedha, nyumba, na ardhi vina thamani gani vikilinganishwa hata na roho moja?

Kristo alitoa kafara kamilifu na inayotosheleza, kafara ya kutosha kumwokoa kila mwana na binti wa Adamu ambaye ataonesha toba kwa Mungu kwa kuwa aliasi sheria Yake, na kudhihirisha imani katika Bwana wetu Yesu Kristo. Lakini licha ya dhabihu kuwa ya kutosha, ni wachache tu wanaokubali maisha ya utii ili wapate wokovu huu mkuu. Wachache wako tayari kufuatisha kujinyima Kwake kwa ajabu, kustahimili maumivu na mateso Yake na kushiriki kazi Yake ya kuchosha ili kuwaleta wengine nuruni.... Kristo Yesu ni nahodha wa wokovu wetu na kwa mateso na kafara Yake Mwenyewe ametoa kielelezo kwa wafuasi Wake wote kwamba kukesha na kuomba, na juhudi ya kudumu, vilikuwa muhimu kwa upande wao kama wangetaka kwa usahihi kuwakilisha upendo uliokaa kifuani Mwake kwa ajili ya jamii iliyoanguka (*Testimonies for the Church* 2:664).